

## MECA Church Council Chairman Khitlyna Report

Mara Evangelical Church in America Ei (5) na Ryureina Pakhyipi (09/01/2019) bie pathlupa No. (12) nata Church Council Officer Bearer Meitei (30/09/2019) bie pathlupa No(2) hawta Mara Evangelical Church Assembly Office (Lelaipi) pahyna kyhchhi ahlao awhpata raopa ei châpa vâta ei chhôkha no nata December 31, 2018 noh ta eima pahrana USA puasai pata Myanmar râh lâ eima sie. Khazohpa ta miah chhitha ta January 03, 2019 (4:45 pm) ta Yangon International Airport eima tlo. Myanmar râh khipi Yangon tawta MEC Biatuhpa Pastor Rev. Thaulai, Huytuhpa nata Awnano Nopawzy, Yangon MEC KNP zy, Yangon Mara a châhkheina Py Chairman Pupa Kolei nata chhituhpazy, LTC tawta Rev. Pahmo, Rev. Vazilai, nata chhokha zy ta aronah kawpata Airport liata miah ahlady eita Abeipa liata a lyna bie hlâ pita miah a vaw dytuhpa zy chô lia chhao a lyna bie eima rei hmeisei.



Yangon khipi liata a pahrâpa Mara Phu/Py ( AMLC, YMCF, Mara House Committee) nata a tyhna chhao hneipa châta, a dâhtlâpi pata eima reipa cha Mara chipho he Khazohpa ta byhna miah pie ta khizaw kaoki liata eima pahrâpa nanopa chhaota Khazohpa my lei awhpa nata eima chipho châna my lei awhpa a peimaw zi nata hmasiena rai eima hriana lia chhaota hmaokhata, thakha tlapata raihria kho lyma awhpa tapazy a cha.



*Yangon Mara Christian Fellowship Nopawzy*

Yangon khihi pausai pata eima r  h pangaipa ta sie hei pita Marasaw University a kiapa malu hluchaina khi, Pakkokku tl   pita Mara House la chareina eima hnei. Pakkokku Siku hawtizy mohona liata maophaona a la tuhpa Mindat MEC Local Biatuhpa Rev. Bietlei nata atyna hnei pita Abeipa l   alyna bie reina eima hnei.



*Rev. Bietlei*



Khazohpa chhitha phana to hei pita February 3, 2019 noh ta Chin State khipi chaipa Hiakha liata MEC Hakha awnanopa nata hmaokha ta Abeipa reithai palyupalina hneipa châta keima dyutlai leipa tlai deichhyna phapa to pata pahanoh a pakhyna liata Thatipha bie a châhkheina ei hnei. Chakhai tawta Hiakha MEC Local nopaw zy nata MEC Moderator Rev. Satu Ve U, keimo novah a tyhna hneipa châta a khokheina bie zy, bietanazy hneikhai tawta Khazohpa byhna a ma topa tawta ama pachhuapanohpa zapati, hmaokha ta a hlyna hneipa acha. Hiakha MEC local chô liata thata a ly pita, keimo vâta châ vei, Krista vâ deita achâ hi eima tah.



*Hiakha Local liata Sermon*



*Zawpi*





*MEC Hiakha Local Nopawzy nata atyhna*

February 5, 2019 Hiakha tawta Kalay lâ siepa châta Kalay MEC Local nopaw zy, KNP nata MSA Kalay Branch zy na ta hmaokha ta daihti hmâkhona eima hnei.



*MSA Kalay Branch Chhitha tuhpaZY*





*Kalay MEC Local liata Sermon*

February 22, 2019 noh ta Mara Evangelical Church EC Metei nata Assembly Office (Lelaipi) pahyna program zy a hlaopa châta MECA awnanopa pachhuapanohpa zapati ahlyna liata Assembly nopaw zy, EC member zy, Lelaipi Myo Sawkha Office tawta nopaw zy, Lelaipi khi nopaw zy nata Lelaipi (A) local, L-Station Local nata Lelaipi vaihpi local nopawzy hruapa a ma châ. Rev. Dr. Zodau ta ahamana daihti chhitha ta Rev. Dr. Lb. Siana (General Secretary) nata Macha Aung Shwe ( Chairman,MECA church council) tawta bie reina chyupa hnei eita Rev. Biehlo (Dy. Moderator) byhna awna thlachhana hnei khai tawta hmaokhao ta zâapati a hlypa achâ.



*Zawpi aly kawpata he hawta zapati eima hly*



*Dinner liata Pastor thokhazy na ta*

### **MEC Assembly Office ( Lelaipi ) pahyna Daihti ahmana**


Rev. Dr. Zodau ta program chhitha ta Rev. Lathai Biehrari reina a hnei khai tawta Rev. Lechau (Mission Director) Thlachhana ta daihti pathaopa a châ. Rev. Biehlo (Dy. Moderator) tawta Biechyupa reina ahnei khai tawta; Rev. Victor Ve U ( AGS) tawta Office sana thatih pachhohpa reina ahnei.

Biehrari reina Rev. C. Sitlo (ES: Education), Rev. A. Rakhai (ES: Mission), Rev. K. Zahne (ES: Social concern) ama hnei khai tawta Rev. Satu Ve U (Moderator) nata Rev. Dr. L.B. Siama (General Secretary) tawta Office pahyna nata hlâna a ma hnei.

Rev. Satu Ve U, Rev. Dr. L.B Siama, Rev. Biehlo, Machâ Aung Shwe zy tawta Ribbon chakiepa ta Office cha pahypa a châ. Office pahyna liata Lelaipi (A) KTP nata Lelaipi vaihpi KTP zy ta hlapy sana ta Abeipa reithaina ama hnei.

MEC Assembly tawta Office pahyna liata MECA vyuhpa ta ahlaopa Church Council Chairman Macha Aung Shwe nata a chhokha no Pino San San Aye a hladyna poh pabuna hneipa a cha. Office sana liata a mahneina soh ta a vaw piepasaituhpa MECA awnanopa hnota Ryuchâ hlâpa a cha. Office a satuhpa zy Macha Aungza, Pupa Zawhlaing, Machâ Hekau hnota chhaota Ryuchâ hlâ chyupa achâ. Rev. Biehlo (Dy. Moderator) Byhna awna ta daihti pachhâsa a cha.





*Office Pahyna*





*Office Pahyna*



*Ahladya Poh pabuna*





*Alyna Ryucha hlana*



*Zawpi zy*

Office pahyna nata EC metei a chhâ khai tawta Assembly Council nopawzy nata atyhna hneipa châta General Secretary tawta Foreign Local (MECa) Constitution thatih, Financial thatih, Awnanopa chhithatuhpa zy Pastor, Awnano Macha, Khichho Macha zy Training thati, zy reina hneita, Moderator nata AGS tawta MECA awnanopa hnota alyna bie reina, tha patlôna bie, khokheina bie zy reina a hnei.



*Assembly Council Nopawzy nata atheithlana*



*Eima si chyba awh Atlapata sy Maraland*





*Yangon Airport lata miavaw chhitha tuhpa*

Eima chakaona zy a chhâkhai tawta eima khisana râh pangai ba awpata Yangon International Airport tawta March 28, 2019 noh ta a vaw thao pita Khazohpa a chhithana byhna miah patosa ta, a tlâpata Indianapolis cha eima vaw tlô. Thla 3 chhô khi eima tlyna liata tlâna byhna, hlaotlona byhna miah a pietuhpa Abeipa Zisu moh he chhazaw ta reithai pata y mawh sy.

#### **Alyna bie hlana**

1. MEC Assembly Office (Lelaipi) pahyna a hlaothei awhpata khokheina nâ pietuhpa Church Council liata chakaolâhpa zy,
2. Yangon Airport liata Arônah kawpata miah a hladytuhpa Yangon MEC Local Nopawzy, KNP nata Mara a chhâkheina Py nopaw zy,
3. Aru eima tlô na ta niedo paha kaw pata miah a hladytuhpa Aru KNP zy,
4. Khapa eima chhâleipa tlaita hmaokha ta pati niekhona miah a toatuhpa Aru Local , Hiakha Local nata Assembly Council nopawzy, AMLC (Yangon) , Yangon KNP, YMCF, Mara House Committee zy nata Mo palâsa tialeipa chhôkha zy,
5. Keimo dyutlai leipa tlaita Thatipa bie rei awhpata miah a khokheituypa Yangon Local, Hiakha Local, Kalay Local, Aru Local, Matupi Local zy,
6. Mara râh liata eima y chhôta sievawna liata miah deichhytuhpa Rev. Dr. Zodau, Pastor Salaw, Pastor Hla Aung nata viasa hropa zy, nama zydua chhô liata alyna bie chhâtia leipa eima cha hla. Khazopa ta nama taophana hawta byhna chapie mawh ei sy.